

فيديو # ٨٤٤ من مقاطع حظر التجول تدبر سورة فصلت # ٦

الآيات ٧٣-٠٤

فاضل سليمان

بسم الله السلام عليكم ورحمة الله وبركاته. اهلا بحضراتكم. في المقطع رقم ربعمية ثمانية واربعين من مقاطع حظر التجول والحلقة السادسة من حلقات صورة فصلت تدبر سورة فصلت. ارجو من حضراتكم تجيبوا المصاحف - [00:00:01](#)

امبارح انا قلت في تدبر الاية ثلاثين اللي هي اعوذ بالله السميع العليم من الشيطان الرجيم. ان الذين قالوا ربنا الله ثم استقاموا. تتنزل عليهم الملائكة الا تخافوا ولا تحزنوا. وابشروا بالجنة التي كنتم توعدون - [00:00:31](#)

قلت ان الملائكة بتتنزل في الدنيا على الموحدين المستقيمين على دين الله. عشان تثبتهم فلا يخاف من المستقبل ولا يحزنوا على ما فاتهم. يعني يثبتوهم على عقيدة القضاء والقدر وبعض الاخوة قرأوا في التفاسير - [00:00:56](#)

ان التنزل ده من الملائكة على المؤمنين بيبقى عند الموت او بعد الموت كنوع من البشرى له والحقيقة الرأي اللي انا ذكرته هو رأي البلاغيين زي عبدالقاهر الجورجاني وده مؤسس علم البلاغة العربية اصلا في اللغة العربية - [00:01:16](#)

وتلميذه بقى الدكتور محمد محمد ابو موسى. ايضا فانا من المدرسة دي مدرسة بتاخذ في اعتبارها قوي بزيادة المسألة مسألة البلاغة آآ ان لم تتنزل الملائكة على المؤمنين في الدنيا لتثبتهم على عقيدة القضاء والقدر فلن تتنزل عليهم - [00:01:34](#)

بعد الموت لتبشرهم بالجنة. بس من الاخر بقى يعني اطمنوا من ناحية الرأي اللي ذكرته الى انه رأي وارد لكن عند المفسرين البلاغيين طيب نبدأ تدبر حلقة النهاردة آآ اقرا معي بقى من الاية سبعة وثلاثين - [00:01:56](#)

من الاية سبعة وثلاثين ومن آياته ربنا يتكلم عن آياته الكونية. ومن آياته الليل والنهار والشمس والقمر لا تسجدوا للشمس ولا للقمر. واسجدوا لله الذي خلقهن ان كنتم اياه تعبدون - [00:02:15](#)

كده واضح ان الصورة رجعت مرة اخرى للموضوع الاصلي اللي كانت بتتكلم فيه لازم تكون فاكرو موضوعات السورة والترابط بتاعها بعضها ببعض عشان ما تفكش منك الصورة. خلوني افكركم صورة فصلت بدأت بالكلام عن القرآن - [00:02:40](#)

ووصفته بعشر صفات تنزيل من الرحمن الرحيم. كتاب فصلت آياته قرآنا عربيا لقوم يعلمون بشيرا ثم تكلمت عن اعراض الناس بالرغم من كل الصفات بتاعة القرآن دي اللي تجعله كتاب هداية. تكلمت عن اعراض الناس عن القرآن - [00:02:59](#)

واصرارهم على عدم الاستماع له. ووضع قلوبهم في اكنة ووقرو في اذانهم وعلى ابصارهم حجاب. فاكرو احنا الكلام ده كله بل وقالوا للناس كمان لا تسمعوا لهذا القرآن والغوا فيه. غلوشوا عليه فيبيصدوا الناس عن القرآن - [00:03:26](#)

فطبعا استحقوا بجدارة لقب اعداء الله فقبل بقى ما ربنا يعرض لنا عقابه لهم عقاب اعداء الله امر النبي عليه الصلاة والسلام انه يكلم الكفار عن قوة الله وقدرة الله - [00:03:48](#)

الكفار اللي بيكفروا بالله بالرغم من انه خلق السماوات والارض في ستة ايام ثم تكلم عن عقاب عاد وثمود اللي اه اه ربنا تركهم زي جذوع الشجر او جذوع النخل المسوس المفرغ من الداخل - [00:04:04](#)

بعد ما السوس اكله بالكامل وما تركش غير القشرة بتاعته بالرغم انهم كانوا مغترين جدا بقوتهم. اتمسح بهم البلاط. اهلكوا بالصاعقة وبالريح ريحة سرسرة. يعني ريح معها صوت عالي جدا - [00:04:24](#)

في نفس الوقت شفنا الذين قالوا ربنا الله ثم استقاموا شفنا بقى تتنزل عليهم الملائكة. تثبتهم في الدنيا الا تخافوا ولا تحزنوا بالجنة

عند الموت ويبستقبلوهم في الآخرة وبيحيوهم وبيكرمهم - 00:04:45

في الآيات التي هنبداً فيها النهاردة رجع الكلام مرة أخرى عن آيات الله في الخلق. زي ما تكلم عن خلق السماوات وخلق الأرض وتقدير الأوقات فيهم في ست أيام هيتكلم دلوقتي عن الزمان والمكان - 00:05:02

وعن النور والظلام اقرا معي بقى سبعة وتلاتين ومن آياته الليل والنهار والشمس والقمر لا تسجدوا للشمس ولا للقمر واسجدوا لله الذي خلقهن ان كنتم اياه تعبدون الترتيب بديع. بصراحة. يعني اولاً الليل والنهار ذكروا واحد وعشرين مرة مع بعض في القرآن الكريم -

00:05:21

كلهم بالترتيب ده الليل والنهار. الليل هو ما فيش مرة النهار والليل لان الليل هو الاصل انت لا تحتاج الة لتبث الظلام. الظلام ده الاصل لكن تحتاج مصباح عشان تبث النور. تحتاج الشمس عشان تنشر النور - 00:05:49

فبالتالي الليل ذكر الاول لانه مش اية كبيرة خلي بالك النهار اكبر لان النهار احتاج الة كبيرة تنشر النور فبالتالي الليل ده من يذكر اولاً.

ثم الاصعب منه النهار ثانياً الشمس هي التي بتحكم مسألة الليل والنهار - 00:06:12

مدة شروق الشمس بتحدد مدى طول النهار والليل ثالثاً الليل والنهار دول زمان. تايم ليل ونهار. ده زمان الشمس والقمر مكان. اماكن علماء الفيزياء دايماً بيدرسوا الزمان والمكان وقال لك لما بدأت الحركة بتاعة المكان بدأت الحركة في المكان بدأ الزمان. يعني الزمان بدأ لما بدأت الحركة - 00:06:36

اينشتاين اتكلم عن نسيج الزمان مع المكان في النظرية النسبية في منتصف القرن العشرين وسميت بالزمان نسيج الزمان مع المكان وعلاقتهم ببعض قبله بميتين سنة العالم الفيزيائي الموحد العظيم اسحاق نيوتن - 00:07:09

كان اريوسى على فكرة اصدر ابحاث وقوانين للحركة خاصة حركة الاجسام الكبيرة. الكواكب والنجوم ماكسويل في نفس الفترة دي اصدر ابحاثه في شهر ماجنيك آآ بتاع اللي هو القوة الكهرومغناطيسية - 00:07:30

اللي شرح بها خصائص الضوء الربط بقى الحديث بين الزمان والمكان على ايد اينشتاين ده مم آآ مسألة من اعقد المسائل. القرآن عطف الليل والنهار على الشمس والقمر ثلاث مرات في القرآن الكريم. وتدبرناهم - 00:07:50

ثلاثة عشان تبقوا عارفين يربط الزمان بالمكان في سورة الانبياء تدبرنا وهو الذي خلق الليل والنهار ده زمان والشمس والقمر كل في فلك يسبحون في اشارة لان حركة الشمس والقمر هي سبب وجود الليل والنهار - 00:08:10

في سورة النحل وسخر لكم الليل والنهار. ده زمان. والشمس والقمر والنجوم مسخرات بامر الله ان في ذلك لآيات لقوم يعقلون. اشارة لان الناس يجب انها تعمل عقولها في العلاقة بين الليل والنهار وبين الاجرام السماوية - 00:08:31

اللي هم الشمس والقمر والنجوم يبقى في علاقة بين الزمان والمكان. والاية بتنتهي بان في ذلك لآيات مش اية واحدة لقوم يعقلون ودلوقتي ايد فصلك اللي هي الاية سبعة وتلاتين. نقراها مع بعض ثاني - 00:08:50

مع سبعة وتلاتين ومن آياته الليل والنهار والشمس والقمر لا تسجدوا للشمس ولا للقمر واسجدوا لله الذي خلقهن ان كنتم اياه تعبدون اول حاجة الليل والنهار. النهار معطوفة على الليل - 00:09:06

تمام الشمس والقمر. القمر معطوف على الشمس. كويس الواو بقى اللي بعد الليل والنهار واو بتعطف الشمس والقمر معطوفين على الليل والنهار يعني دول احنا دلوقتي احنا قدام زمان ومكان معطوفين على بعض الليل والنهار - 00:09:31

وبعد كده حرف الواو بيعطفوا الشمس والقمر مع بعض. لكن الشمس مش معطوفة على النهار فاهمين نقصد ايه؟ يعني الليل والنهار هنا في عطف. الشمس والقمر في عطف. والواو اللي بين الليل والنهار وبين الشمس والقمر عطف بتعطف الشمس والقمر على الليل والنهار - 00:09:56

هنا بيستوقفني شيء هو نفسه اللي استوقف اخونا شعبان في فرنسا النهاردة صحيت الصبح لقيت رسائل منه على كل حاجة. على التويتر وعلى كل حاجة باعت لي رسالة في سر سابع عايز اشوفها يعني - 00:10:17

ليه ربنا بيقول لا لا تسجدوا للشمس ولا للقمر هي قريش كانت بتسجد للشمس والقمر ما سمعناش عن اي قبائل عربية عبدت الشمس

والقمر نعرف عبادة الاصنام ونعرف عبادة الملائكة - [00:10:33](#)

يعني كثير من الناس من خزاعة ومن كنانة القبيلتين دول عبدوا الملائكة معظم القبائل عبدة الاصنام وشوية عبدوا الملائكة العرب الغساسنة اللي في الشام. وعرب نجران والجراجمة عبده انسان اللي هو المسيح - [00:10:55](#)

عبادة الشمس كانت معروفة في اليمن ايام سيدنا سليمان ده احنا ده قبل نزول القرآن بزمان قوي بايه بالف وخمسميت سنة ولا اكثر كلام الهدهد لسيدنا سليمان وجنتك من سبأ بنبا يقين - [00:11:14](#)

اني وجدت امرأة تملكهم واوتيت من كل شيء ولها عرش عظيم. وجدتها وقومها يسجدون للشمس من دون الله لكن ما سمعناش عن يعني قبائل بتعبد الشمس يعني شيء نادر. وما سمعناش عن حد بيعبد الامر - [00:11:36](#)

غير في قصة سيدنا ابراهيم من باب الجدال العقلي في سورة الانعام. فلما رأى ده سيدنا ابراهيم فلما رأى القمر بازغا قال هذا ربي فلما افل قال لئن لم يهدن - [00:11:56](#)

اني ربي لاكونن من القوم الضالين لكن ده من باب الجدال العقلي والتفكير احنا ما نعرفش على وجه التحديد حد عبد القمر يعني ولو فيه قبائل عبس زي القمر او ناس عبد القادر يعني شيء نادر جدا - [00:12:06](#)

طب ليه بقى ربنا بيقول في الاية سبعة وتلاتين في سورة فصلت؟ لا تسجدوا للشمس ولا للقمر. واسجدوا لله الذي خلقهن ان كنتم اياه تعبدون الحاجة الثانية ما قالش لا تسجدوا للشمس والقمر. لأ - [00:12:23](#)

ده ان لا تسجدوا للشمس ولا للقمر. ده بيؤكد النهي على عدم عبادة القمر. الله مع ان نادر انك تجد اي حد بيعبد القمر يعني حتى الشمس كثير يعني وقت نزول الرسالة بالزات ما كانش فيه ناس بتعبد الشمس والقمر يعني - [00:12:42](#)

اذا المقصود هنا قد يكون توكيد على عدم عبادة الاسباب الشمس والقمر حركتهم بتسبب الليل والنهار والعرب عارفين كده قربنا بيقول لهم الليل والنهار دول اللي انتم بتحتاجوهم بتشتغلوا بالنهار وبتستريحوا بالليل - [00:13:00](#)

لا تعبدوا الشمس ولا تعبدوا الامر لا يليق بالانسان ان ربنا آآ بعد ما اكرمه يعبد نفسه للمخلوقات. انت بتعبد نفسك بنفسك لمخلوقات الله الانسان مكانته عند الله عالية الانسان مكرم لا يعبد الا الله - [00:13:24](#)

فما تعبدش الاسباب بقى. لأ شمس وقمر وغيره ما تعبدش صاحب الشركة. اللي بيقبضك راتبك اخر الشهر. ما تعبدش الملك او الرئيس اللي بيحكمك في وثيقة بتنزم العلاقة بينك وبينه كحاكم ومحكوم. لكن لا تبالي في تقديس الناس دي - [00:13:49](#)

حتى تصل لحد العبادة زي ما احنا شايفين النهاردة في كثير من من الدول لا تعبد التقدم العلمي لا تعبد المال. لا تعبد الثروة. النبي عليه الصلاة والسلام قال تعس عبد الدرهم. تعس عبد الدينار. تعس عبد القميص. تعس عبد - [00:14:06](#)

قطيفة تعس وانتكس واذا شيك فلا انتقش ففي ناس بتعبد نفسها للاسباب دي كلها اسباب الله امال نعبد مين كمل الاية سبعة وتلاتين. لا تسجدوا للشمس ولا للقمر. واسجدوا لله الذي خلقهن. السجود يكون لخالق الاسباب - [00:14:23](#)

مش للاسباب السجود يكون للخالق مش للمخلوق كمل سبعة وتلاتين ان كنتم اياه تعبدون. وده دليل ان من يعبد الاسباب هو لا يدري انه بيعبدها هو فاكر نفسه بيعبد ربنا وانه موحد وانه بيقول لا اله الا الله وانه بيصلي وانه مش عارف ايه هو وهو بيعبد مع ربنا

اخرين ومش دريان - [00:14:43](#)

ربنا بيقول بص ثاني في سبعة وتلاتين. لا تسجدوا للشمس ولا للقمر واسجدوا لله الذي خلقهن ان كنتم اياه تعبدون ده لو انتم فعلا بتعبدوا ربنا بس ازا فيه ناس - [00:15:08](#)

وهي بتشارك مش عارفة انها بتشارك طيب ولو الناس دول اصرروا على عبادة الهة اخرى يبقى ايه الوضع بقى؟ اقرا تمانية وتلاتين. فان استكبروا فالذين عند ربك يسبحون له بالليل والنهار وهم لا يسأمون - [00:15:22](#)

اذا استكبروا عن عبادة ربنا وعبدوا أنفسهم للمخلوقات برضو سيبك منهم ما حدش محتاجه كل عبادتهم اللي مش هيعبدها لربنا دي مش هتنقص عند ربنا اي شيء خلي بالك بقى من حاجة لما نقول فان استكبروا - [00:15:44](#)

ده محتاج جواب ايه الجواب؟ اللي بيجابو عليه فان استكبروا الجواب محذوف. تقديره فالله غني عن عبادته يعني فان استكبروا

الله الغني عنهم وعن عبادتهم الجواب محذوف علشان قارئ القرآن يتدبر ويقدر الجواب بنفسه - [00:16:09](#)

في ناس بقى افتكرت ان باقي الاية هو الجواب. لأ اقرا معي. فان استكبروا فالذين عند ربك يسبحون له بالليل والنهار. الله! هو ده

الجواب اذا استكبروا بناقصهم ربنا عنده كثير - [00:16:34](#)

بيعبده لا ده ما ينفعش يبقى الجواب الذين عند ربك يسبحون له بالليل والنهار يعني اللي هم الملائكة. لكن ده مش الجواب ليه بقى

لان الملائكة بتسبح الليل والنهار سواء الناس استكبرت او ما استكبرتش - [00:16:48](#)

فده مش الجواب ده مش الجواب الجواب ممكن يبقى تقديره فان استكبروا الله غني عن عبادتهم وبعدين ربنا يقول بقى بيوصف

الملائكة بانهم الذين عند ربك تقدير واعلاء من شأن الملائكة لانهم بيسبحوا ربنا. فالذين عند ربك - [00:17:05](#)

يسبحون له بالليل والنهار وهم لا يسأمون عبادة الله ترفع قدر الانسان فوصفوا بالذين عند ربك. اللي هم الملائكة والملايكة ما

عندهمش ليل ونهار طب ليه ربنا يقول يسبحون له بالليل والنهار؟ معناها باستمرار دون توقف وهم لا يسأمون - [00:17:26](#)

يعني بيسبحوا ربنا باستمرار دون توقف دون كلل او ملل وهم لا يسأمون اه هنا بقى في حاجة مستخبية بين بين الكلام. حاولين

نفتكرها. عاوزين نشوفها. فالذين عند ربك يسبحون له - [00:17:55](#)

في الليل والنهار وهم لا يسأمون يعني ايه وخلي بالك من حاجة الانسان لو سأم لو مل من شيء يتوقف عن عمله شوية لانه مل لو

كمل واستمر رغم الملل اللي حاسه رغم السأم - [00:18:15](#)

يبقى مجبر يبقى لما ربنا يقول لك ان هم يسبحون له بالليل والنهار وهم لا يسأمون. يعني بيسبحوا بحب رغبة داخلية جواهرهم يريدوا

ان يسبحوا لانهم لا يسأمون ما دام لا يسأمون - [00:18:41](#)

يبقى بيسبحوا برغبة داخلية. ما هم مش مجبرين بيعملوا شيء بيحبوه تسعة وثلاثين ومن آياته انك ترى الارض خاشعة فاذا انزلنا

عليها الماء اهتزت وربت. ان الذي ان الذي احيها لمحيا الموتى - [00:19:03](#)

انه على كل شيء قدير في سورة الحج ربنا قال وترى الارض هامدة فاذا انزلنا عليها الماء اهتزت وربت هنا فصلت ومن آياته انك ترى

الارض خاشعة مش هامدة. وكمل هي هي. فاذا انزلنا عليها الماء اهتزت وربت - [00:19:32](#)

هي هي بس في الحج هامدة يفصلك خاشعة طب ليه فصلت ما قالش يعني ايه ده الخشوع هو ايه الخشوع هو التصاغر والتضائل

تواضع تصاغر تضائل فيمشي اكثر مع معنى - [00:19:57](#)

ورد في الايات زي معنى الاستكبار بص في الاية ثمانية وثلاثين فان استكبروا يمشي بقى اكثر معها هنا في الاية تسعة وثلاثين ترى

الارض خاشعة دول متكبرين والارض خاشعة. ما كانش يناسب يقول الارض هامدة هنا - [00:20:23](#)

هنا يناسب خاشعة عشان تبقى عكس كلمة فان استكبروا الخشوع عكس الاستكبار اصلا فخاشعة تناسب آ كمان الكلام عن السجود

لان ارجع للاية سبعة وثلاثين. لا تسجدوا للشمس ولا للقمر. واسجدوا لله الذي - [00:20:45](#)

خلقهن. فاحنا بنتكلم السياق فيه سجود ذكر مرتين. فيه استكبار ذكر. اذا الخشوع هنا هو ده مكانه افضل ما يقول الارض الميتة

احييناها او يقول الارض الهامدة ترى الارض خاشعة - [00:21:06](#)

من اعجاز القرآن ان كل كلمة في مش كل كلمة. كل حرف فيه في مكانه ما ينفعش يستبدل بحرف اخر تسعة وثلاثين ومن آياته انك

ترى الكلام هنا مش موجه للنبي عليه الصلاة والسلام بس. لكل من يستطيع ان يرى - [00:21:23](#)

ومن اية انك ترى الارض خاشعة. يعني هادئة متضائلة ساكنة فاذا انزلنا عليها الماء اهتزت وربت لما ربك ينزل الماية عليها على الارض

تهتز وتربو يعني تنمو بنمو النبات وتشعر كأنك بتتفرج على - [00:21:45](#)

على على على حد بيعمل لك آ آ آ عرض شرائح سلايدز اللي هو الباور بوينت ارض صحراوية صفرا ما فيش فيها سوبيخ ابن يومين

وفجأة بعد نزول الماية الارض مخضرة ونامت - [00:22:11](#)

ان الذي احيها لمحيا الموتى انه على كل شيء قدير اهو اللي احيها الارض بالسهولة دي هو هو اللي هيحي الموتى بنفس السهولة

علشان بس الناس اللي مستصعبين موضوع البعث بعد الحساب فراح ربنا يضرب لهم المسألة. شايفين الارض اللي بسهولة بتنمو كده -

بنفس الطريقة ربنا هيجيي الموتى برضو سبحانه الله! تحس بقى كمان بالترتيب المتدرج بص المشهد الاول ترى الارض خاشعة. اهي مستوى الارض اهي ترى الارض خاشعة المشهد الثاني اهتزت ورابت - 00:22:56

عليت اهي عليت اهتزت وربت وبعد كده ان الذي احياه لمحيي الموتى فتحس ان فيه تدرج معك ماشي ارض وبعد كده وبعد كده بني ادمين واقفين. اقرا معي الاية اربعين - 00:23:18
ان الذين يلحدون في اياتنا لا يخفون علينا. افمن يلقي في النار خير ام من يأتي امنا يوم القيامة اعملوا ما شئتم انه بما تعملون بصير بعد ما ربنا تكلم عن اياته السماوية - 00:23:32

الاية سبعة وتلاتين. بص في سبعة وتلاتين ومن اياته الليل والنهار والشمس والقمر. دي ايات سماوية وعن اياته الارضية في الاية اربعين ومن اياته انك ترى الارض خاشعة دي ايات ارضية - 00:23:55
بعد كل ده بقى هناك من سيميل وسينحرف عن الحقيقة الواضحة كل الايات الواضحة دي فيه ناس برضو مصرّة تنحرف عنها الميل والانحراف في اللغة هو الالحاد كلمة الحاد يعني انحراف - 00:24:13

لما تقرأ ان العالم الفلاني كان ملحدًا مش معناها انه ما كانش مؤمن بوجود الله. معناها ان مذهبه الفكري كان مذهب منحرف. او اللي كتب كده عنه يا شيف يعني مسلا ممكن تراه عن ابن سينا - 00:24:37
اه بس ابن سينا كان ملحدًا لأ مش معناه ان ما كانش كانوا بيحجروا وجود ربنا لأ. لكن بعض الناس ترى ان ابن سينا عنده فلسفة لان هو كان فيلسوف - 00:24:52

ده عنده فلسفة جعلته ينحرف عن المذهب الصحيح. هم يروا كذا. فازا كلمة ملحد لغة يعني منحرف مش يعني مش مؤمن بوجود ربنا. ما كانش زمان فيه حد ممكن لوجود ربنا - 00:25:02

انا المرض النفسي ظهر مؤخرًا اربعين ان الذين يلحدون في اياتنا لا يخفون علينا وعيد شديد الناس اللي بتنحرف عن اياتنا مش هيعرفوا يستخبوا منا ربنا بيقول استطيع معرفتهم واحد واحد لا يخفون علينا. ده وعيد شديد - 00:25:18
كمل معي الاية افمن يلقي في النار خير ام من يأتي امنا يوم القيامة؟ اعملوا ما شئتم انه بما تعملون بصير مين احسن؟ اللي هيلقى في النار اللي هيترمي في النار - 00:25:47

حاجة بصراحة في منتهى عدم الاحترام يعني. يعني في صورة الزمر وسيق الذين كفروا الى جهنم زمرا. وربنا استخدم نفس التعبير للي داخلين الجنة وثيق الذين اتقوا ربهم الى الجنة زمرا - 00:26:05
آآ يبقى وسيق الذين كفروا الى جهنم زمرا وسيق الذين اتقوا ربهم الى الجنة زمرا طب ليه ربنا هنا يستخدم التعبير المهين ده اللي هو افمن يلقي في النار ليه يترمي - 00:26:23

ان الهدف هنا هو انه يعني الهدف في سورة الزمر انه كان بيصور مشهد دخول الجنة ودخول النار انما المقام هنا في سورة فصلك هو الحقيقة مقام تهزيق لان احنا بنتكلم عن ناس مستكبرين - 00:26:39
مستكبرين فالهدف هنا هو الاخبار انهم داخلين النار بطريقة فيها ذل اصلا وعدم احترام. مش دول كانوا مستكبرين؟ دول يترموا في النار فمقصود كلمة يترموا هنا لانهم ذكر انهم فان استكبروا - 00:26:55

جريمته انهم استكبروا. فلازم يدخلوا النار بطريقة فيها تقليل من احترامهم. اقرا تمانية وتلاتين ان الذين يلحدون في اياتنا اقرا اربعين انا اسف ان الذين يلحدون في اياتنا لا يخفون علينا افمن يلقي في النار خير ام من يأتي امنا يوم القيامة - 00:27:16
اعملوا ما شئتم انه بما تعملون بصير. اعملوا اللي انتم عاوزينه ده مش فعلا تخير اننا مخيرين نعمل اللي احنا عاوزينه. ايوة. ده وعيد قوي جدا زي ما اقول لك ايه - 00:27:38

آآ لو عملت كذا دا انا هاعمل فيك كذا وكذا وكذا وكذا انت حر بقى. انت حر دي دواعيد يا وعيد ايوة صحيح ربنا اراد ارادته التكوينية ان احنا نبقى مخيرين نستطيع ان نختار بحرية - 00:27:55

بين الصح والغلط. وبين الحلال والحرام وبين الحق والباطل. ده صحيح ولكن الارادة التشريعية بتقول لنا اختار الصح ما تختار الشغل الغلط ولو اخترت الغلط هتعاقب فالقرآن ابلاغكم بمصير كل الاختيارات دي. كل واحد بيختار حاجة مصيره هيكون ايه. وبعد كده قال لك ايه؟ كمل بقى معي الاية اربعين. اعمل وماشي - [00:28:16](#)

شئتم انه بما تعملون بصير. كل واحد فيكم هيحدد بقى ايه الطريقة اللي هيتعمل بها يوم القيامة ونتوقف هنا الليلة. اللهم انا نسألك حبك وحب من يحبك وحب كل عمل يقربنا الى حبك - [00:28:43](#)

اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم واجعل حبك احب الينا من اهلينا واموالنا ومن الماء البارد على الظمأ - [00:28:59](#)

اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا ونرضيك بكل اجسادنا - [00:29:17](#)

اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة اسأل الله العلي العظيم ان يجعل هذا التدبر في ميزان حسناتي وحسناتكم جميعا - [00:29:42](#)

اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون وبحق كل حرف في كتابك تلوناه او تدبرناه. اكفنا واهلينا شر كل من يكيد لنا ولهم. واحفظنا واياهم من شرورهم - [00:30:04](#)

ونجعلك اللهم في نحور الظالمين. فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وانصرهم وانصر من - [00:30:23](#)

واخذل من خذلهم وظاهر المسجد الاقصى من الدنس فانهم لا يعجزونك. اللهم من قضى منا بالبواء المنتشر فاكتبها له هذا ومن كان منا او من احبابنا او من اخواننا او من اخواتنا او من مشايخنا او من علمائنا مريضا به او حاملا له - [00:30:40](#)

فالبسوا ثوب الصحة والعافية عاجلا غير اجل. ومن لم يصب به فقه شره ويبعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك -

[00:31:00](#)

وتعاهدت على نصره شريعتك فوفق اللهم رابطتها وادم ودها واهدها سبلها. واملأها بنورك الذي لا يخبو. واشرح صدورنا بفيض الايمان بك التوكل عليك. واحيها يا ربنا بمعرفتك. وامتها على الشهادة في سبيلك. انك نعم المولى ونعم النصير. والسلام عليكم

ورحمة الله - [00:31:23](#)

وبركاته. ونراكم غدا باذن الله في نفس هذا الموعد ان كنا من اهل الدنيا - [00:31:46](#)